

1. FAZAAYEL RAMAZAN VA SAUM EK NAZAR ME

RAMAZAN AUR ROZE KE FAZAAYEL

1. Rozedaar ke liye Rasoolullaah ﷺ ne jannat ka vaada farmaaya hai. (Saheeh Bukhari : 1397, Saheeh Muslim : 14)
2. Rozedaaro ke liye jannat me ek khaas darwaaza banaya gaya hai jiska naam Rayyaan hai. (Saheeh Bukhari:1896, Saheeh Muslim:1152)
3. Rozedaar shuhada ke saath honge. (Sahee ut Targheeb:1003)
4. Yaqeenan rozedaar ke guzishta gunaaah maaf kar diye jaayenge. (Saheeh Bukhari:1901, Saheeh Muslim:759)
5. Ramazan me jannat va rahmat ke darwaaze poori tarah khol diye jaate hai, jahannam ke darwaaze poori tarah se band kar diye jaate hai aur sarkash shayaateen ko qaid kar diya jaata hai. (Saheeh Bukhari:1899)
6. Rozedaar ke mooh ki boo kastoori se zyaada paakeezah hai. (Saheeh Bukhari:1904)
7. Maah ramazan ki har raat Allaah Taala jahannam ke mustahaq afraad ko jahannam se azaad karta hai. (Ibne Maajah:1642, Saheeh Ibne Maajah:1331)
8. Roze qiyaamat roza rozedaar ki sifarish karega. (Saheeh ut Targheeb:984)

9. Roza khair ka darwaaza hai. (Tirmizi:2616, Saheeh ut Targheeb:983)
10. Hazaar maheeno se behtar raat (Shabe Qadr)maah ramazan hi me hai. (Saheeh Ibne Maajah:1333, Ibne Maajah:1644)
11. Nuzool e Quraan ka sharf ramazan hi ko haasil hai. (Baqarah:185)
12. Roze ka badla qusoosi tour par Allaah dega, har neki ka sawaab 10 se 700 guna badha kar diya jaata hai. (Saheeh Muslim:1151)
13. Ek nafil roza jahannam se satta saal door kar deta hai, to farz roze ki fazeelat kitni hogi andaaza keejiye. (Saheeh Bukhari:2840)
14. Ramazan me umre ka sawaab Nabi ﷺ ke saath haj ke baraabar ho jaata hai. (Saheeh Bukhari:1863, Saheeh Muslim:1256)
15. Sahar se iftaar tak rozedaar ki dua qubool ki jaati hai. (Tirmizi:3598, Ibne Maajah:1752)